

مسکن

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامی در

اتبعون اهدکم سبیل الرشاد

صاحب و مدیر مسئول : ح . اشرف اریب

جلد ۱ - ۸

۵ نیسان ۱۳۲۸

پنجشنبه

۱ جمادی الاول ۱۳۳۰

عدد ۷ - ۱۸۹

مکاتیب

بترن علمای اسلام بک نظر رفته :

بترن مسلمانلری طوپلایه جق بر قوه علمیه لازم

چوق یازیلر یازیلیور ؛ فقط اساسه هنوز بر آدیم آتیور. هر فرد ذی فضل منفرداً چالشمق ایسته یور ؛ عینی زماندهده اتحاد ، توحید صداسی عیوقه چیقاریلیور . اتحاد ایچون اصحاب توحیدک پیشواسی ، هادی و مرشدی وارشانده عندهه مسئول اولان علمای دینک ، ورثه انبیانک اتحاد و بر مقصد اوغرنده مجتمعا چالشماری لازم کیلور . حالبوکه بونقطه نظرده متحد اولان علمای اسلام قودهده قالان اتحادلرینی فعله چیقارمیور ؛ بالعکس تظاهر حقیقت ایچون اولسه بیله بیلرنده مناقشات هیچ اکسیک اولمیور . زمانزده مناقشه ایله میدان چیقاجق و فقط موقع تطبیق بولمایه جق بیک حقیقتدن اتحاد فکرله قبول و تطبیق اولنه جق بر قاعده عدل ، دهها زیاده نفعدار اوله جقدور .

معلوم اولان اساسلره قارشو علما بیننده کی اختلاف ، مناقشه نه اولیور ؛ طرفین یکدیگرینک فکر اساسیلرینه واقف دکلش کبی کندی فکرنده کی اصرار نه در ؛ بونلری اسکات ایده جک بر قوه علمیه نه ایچون تمرکز ایتیور ؛ دور مشروطیت حکم مشروعتک عنغه سیله زمان ظهوری دکلدر ؛ بودورک طلوعیله هر کتله ناس بر جمعیت بایراغی التده طوپلانش ، محافظه موقع ملی و سیاسی و اقتصادی ایله اوغراشمقده برحق ، بروظیفه بولمش ایکن علماء اسلام نه ایچون وظیفه لرینی تقدیر ایدرک بر اتحاد علمی تشکیل ایده مدی ؛ جمعیت علمیه اسلامییه نامیله ویریلان بر اسم عالی اسلاملرده پک بیوک امید نجات او یاندرمشکن بوجمیت نه ایچون وظیفه سنی تعیین ایدرک تأسس ایده مدی . اسلاملر آرهنده هر هانکی بر دورده کوریلان انحطاط و تدنی نک هپ مسئول یکانه سی علماسی در . اسلامیت ده رهبانیت یوقدر ؛ فقط اسلام هر عالمی وارث نبی بیلیر ؛ آنک امرینه اعتقادی نسبتده منقاد اولور ؛ کوتوردیکی اوچوروملره بی پروا ، بلا تأمل سقوط ایدر ؛ یچاره نک مقصدی سقوط دکل ، اعتلادر ؛ کورکورینه اطاعتی باعث نکبتی اولیور ؛ انصاف بیورلسونکه بواطاعت جلب فوز ایچوندر . بوصفوت وجدانی بیله رک بیلیمیه رک بیک درلو تهله کله ره معروض ایدن علما نصل اولورده مسئولیت مادیه و معنویه دن قورتیلور ؟

چکشملری دوشونمیه لم ؛ حال حاضره باقلم ؛ شو درت سنه کامله ده تماماً سربست اولان علمانک اسلاملر ایچون نه کبی ارشادات و هدایای کورولدی ؛ هانی منتظم و هر یره قول صالمش جمعیتلری ؛ هانی بوجمیتلرک اداره سنده آچیلشمش مدرسه جدیدلر ؛ یوقسه موجود مدرسه لرده کی اصول تعلیمی هنوز محافظه طرفداریمیز ؛ حاشا ؛ علما اراسنده هر کون آناری کوریلان اصحاب فضل و عرفان بزه هر درلو

عرشان حقیقی بی طرز حقیقی جدیدده افاضیه مقتدر اولدیغنی بیلدیکمندنرکه بوفریادی می تقدیم ایدیورم . علمانک ملت اسلامییه رهبر اولسی ایله درکه عالم توحید اتحاد ایده بیله جکدر . اوفق بر جمعیت بیله مقاصد شخصیه تعقیب ایتدیکی مدتیجه پایدار اوله میه جغه نظرآ جمعیات موجوده نک مقاصد شخصیه دن تبری ایده جکی طبعیدر .

بوکون مسلمانلر پریشان بر حالده ، علمانک ایسه دیدی قودیدن باشنی قالدیردقلری یوق . آردهه مسلمانلق غائب ایدیور ، وطن ضرر کوریور . آرتق شقاقه ، انا - انتیه وطنک ، وطن اسلامک تحملی یوق ، ملتیزک جریان افکار و اعتقادی اداره ایله مکلف اولان ارباب فضل و ذکا دهانه بکله یورلر ؛ معاذاه دین بتدکدن ، وطن منقرض اولدقدن صوکرامی چالشمیه به باشلایه جغز ؛ نه یایله جغسه یاپیلسون . بتون مسلمانلر علمادن حیات ، فعالیت بکله یور .

همان ایشه باشلامی ، ممالک اسلامییه نک هر کوشه سنده ذاتاً موجود اولان علمای اسلام همان برلشهرک ال برلکیله چالشمی . زیرا انجق بوسایه ده دین اعتلا بوله جق ، زیرا انجق بوسایه ده وطن قورتیه جقدور . شوراده بوراده شریعت استریزیده وقوع بولان یاغرم جیلق ، معروضاتم وجهله ، علما آرقه سندن قوشمسنی باعث سعادت بیلن افراد اسلامییه بی اضلال ایتمش ، صفت علمیه دن عاری فقط کسوه سنی ملتبس ارباب مفسده اتباعدن تولد ایتمش آثار ضلالتدر . علمای اسلامک کوکسندن بوفسادلری قلع ایدرک مقصد عالسنی شریعتک . ساعده سی دائره سنده تأمین ایچون اوغراشمی ، اسلاملرک حیات عمومیه سنی اداره و محافظه ایتلی . احوال اقتصادی لرینی یولنه قومغه غیرت ایتلی . زمانک ایجاباته کوره بتون مسلمانلر ایچون بر پروغرام چیزملی ، مختلف یوللرده نالان و پریشان قالان بومیلدونلرجه کتله موحدیه جاده یه چیقارملی ؛ الاله ویردیرملی ، اوج رشاد و سعاده ایصال ایتلی . زمان طورده جق زمان دکلدر .

مقصدم ، منفرداً وظیفه لرینی هیچ بریسی ایفایه مقتدر اوله میه جغنی امثالی دلاتیه کاملاً اکلاشلایغندن بر مقصد عالی آلتنده اجتماعلرینی نهیه متوقفسه اله آلمسی ایچون علمای اسلامدن سبیل الرشاد واسطه سیله استمداد ایلکدر اقدام .

ابن العصام رضا

در سعادتده سبیل الرشاد جریده اسلامییه سنه

محترم اقدام ،

اولا مزدن شوقاره له مش اولدیغ شیلری برکنج مسلمانک فغان وجدانیسی اوله رق تلقی ایتکیزی رجا ایده رم . اوت بو او یله بر فغاندرکه بز اسلاملرک حیات و نماتیله مساویدر . عاجزلری دنیانک اولدجه کرم و سردینی چکمش ، حقیقت دینه مطلع اولق اوزره بر آزده تبعاتده بولونشمدر . شمدی یه قدر حامی اسلامیت اولان عثمانلیلک فداکار بر اولادی اولدیغ کبی طوردیغ ، سیاحت ایتدیکم برلرده تصادف